



OQALUUSERISASSAT ATAATSIMINNEQ I
KOMMUNALBESTYRELSI AVANNAATA KOMMUNIA
26. APRILI 2018 Nal. 10:00

Palle Jerimiassen, Borgmesteri (S)
 Ane Lone Bagger (S)
 Sakio Fleischer (S)
 Ane Marie M. Andersen (S)
 Jens Imanuelsen, (S)
 Apollo Mathiassen (S)
 Jakob Petersen (S)
 Jørgen Kristensen (S)
 Masauna Holm Petersen (S)
 Aqqalu Clasen Jerimiassen (A)
 Karl Markussen (A)
 Aqqaluk Heilmann (A)
 Anthon Frederiksen (PN)
 Ole Danielsen (PN)
 Bendt B. Kristiansen (IA)
 Regine N. Bidstrup (IA)
 Lena Ravn Davidsen (D)

Ataatsimiinnermi aqutsisoq: Palle Jerimiassen

Ataatsimiinnermi peqataangitsut: Regine Bidstrup, Aqqalu Jerimiassen

Sinniussaq peqataasoq:

Imaqarniliortoq: Sivso Dorph

Ataatsimiinnermi atorfillit peqataatit: Hans Eriksen, Bea Mølgaard Lennert, Nick Nielsen, Ane Louise Løvstrøm, Hans Peter Lennert

Ingerlanneqarfia: Oqarasuaatikkut, Ataatsimiittarfillu

Clasen	Qulequtaq	Ilann
13-2018	Eqqartuussivikup pisiarineqarnissaanut inassuteqaat	001
14-2018	Uummannap timersortarsissuani siulersuisunut ilaasortassanik toqqaaneq	002
15-2018	Qaanaami Najukkami Ataatsimiititaliami qinerneqarsimasut inernerisa akuerineqarnerat	
16-2018	Qaasuitsup Kommuniata naatsorsuutaanik kinguartitsinissamut qinnuteqaat	
17-2018	Kommunit ataatsimoorullugu peqatigiiffiannit "Kalaallit Nunaanni meeqqat atuarfiannik kivitsineq"-mit malittarisassat	003-004
	Apeqquteqaataasimasunut akissutit	Ilann ussaq
	Ilisimatitsissutit	

Aaliangerneq:

Akuerineqarput.

Suliaq nr. 13	13-2018	Tapiliussaq nr.	01	Journal nr.	
Qulequtaq	Eqqartuussivikup pisiarineqarnissaanut inassuteqaat				

Eqikkaaneq:

Piffissami sivitsortumi Naalagaaffik eqqartuussivikup tiguneqarsinnaanera pillugu isumaqatiginiarneqarnikuuvoq. Naalaaftuullu eqqartuussivikoq imaaliillaanaq tunniukkusunnigilaa. Kommunip allaffia ullumikkut tattoqisaaffiuvoq illoqarfimmilu attartukkat akisuut atorlugit inissaqartitsisariaqarluni.

Suliap saqqummiunneqarnera:

Avannaata Kommunia Ilulissani illunik allaffittut attartorneqartunik ullumikkut attartugaqarpoq, tamannalu kommunimut akisulluni.

Eqqartuussivikoq Naalagaaffiup kommunimut tuniniarlugu saaffiginnissutigimmagu illu imaaliinnarlugu tigorussullugu Naalagaaffimmut akissuteqarnikuuvugut. Naalagaaffiulli tamanna akuersaarussunnigilaa illulu nalilerneqarnera tunngavigalugu turerusullugu.

Illorsuatoq pineqartoq 1777-mi sananeqarsimavoq ilaatigullu 1903 tikillugu pisiniarfittut atorneqarsimalluni.

Ukiut kingulliit 25-it ingerlaneranni aningaasarpasuit atorlugit nutarterneqarsimavoq, ullumikkullu attartugassatut atukkiunneqassagaluaruni ukiumut kr. 240.000,00-nik attartorneqarsinaanaanera nalilerneqarluni. Naalagaaffiulli illu attartortikkusunnigilaa turerusulluguli.

Illu imatut periarfissaqarpoq:

Ataa: Qulisaq, Anartarfik. Isaariaq anngajaaq qalianut tummeralik allaffiilu sisamat. Kissarsuusivik. Tummeqqat ataani toqqorsivik

Qalia: Isersimaartarfik iggavittalik. Ineraaq. Allafferujussuaq avissaaqquseraanni marlunnut allaffinngortinneqarsinnaasoq, allaffik alla ataaseq, ineraaq kiisalu toqqorsivik.

Qaliarsua: Ini toqqorsoivissaq angisooq ilisivilersugaaq.

Inatsit toqqammavigneqartoq:

Inatsisartut inatsisaat nr. 29 novemberip 17-aneersooq 2017 kommunit aqunneqarnerat pillugu

Kingunerisinnaasai:

Ullumikkut allaffinnut attartukkanut aningaasartuutivut qaffasittumik inissisimajuannassapput.

Aningaasatigut kingunerisinnaasai:

Illu pisiarineqassaguni kr. 1.950.000,00 akilerlugu pisiarineqassaaq, tamannalu Naalagaaffiup akuersaarpa. Aningaasat illutiniq tunisaasimasunit uningasuutiniq tiguneqarnissaat inassutigineqarpoq.

Politikkikkut ataatsimiittitaliani suliaqarnermi uku ataatsimiittitaliat aqquasaassavai:

Ilaqutareeqarnermut ataatsimiittitaliami (IA) akuerineqarluni, Aningaasaqarnermut ataatsimiittitaliamut ingerlanneqarpoq.

Tapiliussatut atortussiat:

Nalilersuisimaneq

Aningaasaqarnermut Ataatsimiittitaliami aalajangiussaq:

**Illusinissaq inassutigineqarpoq.
Kontoqarfiit allat sipaarutissaanniit illusineq akilerneqassaaq**

Inassut: Aningaasaqarnermut Ataatsimiittitaliap inassuteqaataa malillugu inassutigineqarpoq konto 3-mit 5-miillu aningaasanit atunngittuugassanit pisineq ingerlanneqassasoq.

Aaliangiussaq:

Missangersuutiniq qulaajaaneq aallaavigalugu ataatsimiittitalianit inassutigineqartut tunngavigalugit pisineq kommunalbestyrelsemi immikkut ittumik ataatsimiinnermi akuerineqassooq. Aningaasanik aallerfiit takussutissatut ilanngunneqassapput.

Suliaq nr.	14-2018	Tapiliussaq nr.	Soq.	Journal nr.	01.01.00
Qulequtaq	Siunnersuisoqatigiinnut, Isumalioqatigiisitannut, aningaasaateqarfinnut, siulersuisunut il.il. ilaasortassanik toqqaaneq.				

Uteqqiineq:

Kommunalbetyrelse aktieselskabinut, suliffeqarfinnut imminnut pigisutut taaneqartartunut, kommunip suliffiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisoqatigiinnut ilaasortassanik toqqartuisussaavoq, kommunalbestyrelsip imaluunniit kommunip aallartitaatut peqataasartussanik. Ilaasortat amerlassussissaanut tunngassuteqartut, kommunalbestyrelse makkununga, aktieselskabinut, suliffeqarfinnut, aningaasaateqarfinnut, peqatigiiffinnut, ataatsimiititalianut kiisalu siunnersuisoqatigiinnut ataasiakkaanut ilaasortassatut toqqartugassai pillugit takussutissiaq allattoqarfik siusinnerusukkut :suliarineqareernikuvoq.

Kommunalbestyrelsi assigiingitsunut siulersuisunut ilaasortassanik toqqartuivoq februaarip 27-ani ataatsimiinnermini, kisiannili aalajangerluni Uummannap Timersortarfissuanut siulersuisunut ilaasortassat kingusinnerusukkut uterfigineqassasut.

Suliap saqqummiunneqarnera:

Kommunalbestyrelsi aktieselskabinut, suliffeqarfinnut imminnut pigisutut taaneqartartunut, kommunip suliffeqarfiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisoqatigiinnut ilaasortassanik toqqartuisussaavoq, aqutsinnermut inatsit § 31 naapertorlugu kommunalbestyrelsip imaluunniit kommunip aallartitaatut peqataasartussanik.

Taamaattumik Avannaata Kommunia ataani pineqartunut ilaasortassanik toqqartuisussaavoq.

Inatsit tunngavigisaq:

Kommunit aqunneqarnerat pillugu Inatsisartut inatsisaat nr. 29, 17. November 2017-imeersoq

Kingunissai:

Avatangiisinut, sulisunut imaluunniit inassuteqaammut tunngatillugu allanik kingunerluuteqassanngitsaq naliliivigineqarpoq.

Aningaasatigut kingunissai:

Soqanngilaq.

Inassuteqaat:

Allattoqarfiup Kommunalbestyrelsemut aalajangiiffigisassat inassuteqaatigai uku:

1. Fondinut ataatsimiititalianu allanullu kikkut ilaasortaassanersut toqqassagai, tamatumani pineqarlutik kommunalbestyrelsip imaluunniit kommunip kikkut aningaasaateqarfinnut, peqatigiiffinnut, suliffeqarfinnut, ataatsimiititalianullu ilaasortassatut aallartitarissanerai.
2. Ataatsimiititaliat nammineerlutik akisussaaffigisamik iluini siunnersuisooqatigiinnik pilersinneqartussatut siunnersuutigineqartunik suleriesissiorlutillu, pilersitsillutillu atuutilersitsissatut.
3. Najukkami Ataatsimiititaliat Nunaqarfinnilu Aqutsisut akisussaaffiliutsinneqarsimasut iluaneereeraluartunik ersarissaaqqinnikkut aamma akisussaaffilerneqassasut.

Ilanngussat:

Soqanngilaq

Ikaarsaariarnermut Ataatsimiititaliap 29.11.2017 aalajangernera:

Oqaluuserineqarnissaa tunuartinneqarpoq.

Kommunalbestyrelsip 27. februar aalajangernera:

Thulefondi:Borgmester Palle Jerimiassen
Kom. Bestimi milaasortaq Masauna Petersen
Inuussutissarsiutinut ataatsimiititaliami siulittaasoq Jørgen Kristensen
Immikkut ilisimasalik Jens danielsen
Siulittaasoq Hans Karlsen, Savissivik
Siulittaasoq Sara Nielsen, Siorapaluk/Qeqertaq
Pisortaaneq Sivso Dorph
Marmorilik Fondi: Malittarisassat nutarterneqarneri utaqpeqqaassapput
Qinersinermut ataatsimiititaliaq:
Palle Jerimiassen, Borgmesteri
Jakob Petersen, Siumut
Karl Markussen, Atassut
Ole Danielsen, Partii Naleraq
Bendt B Kristiansen. IA aamma D
Upalungaarsimanermut ataatsimiititaliaq:
Borgmesteri
Sakio Fleischer
Aqqaluk Heilmann
ICC-mut ilaasortassamik toqqaaneq:
Apollo Mathiassen

SPS-ip siulersuisuinut ilaasortassamik toqqaaneq:
Sivso Dorph

Siunnersuisoqatigiinnut pilersitsinissamut tunngatillugu:

Ilaasortassat ataatsimiititaliat ataasiakkaat akuersissutigissuaat.

Ummannami timersortarfissuup siulersuisuinut ilaasortassamik toqqaanissaq pissooq tullianik ataatsimiinnermi.

Matumuuna inassutigineqarpoq: Ummannami timersortarfissuup siulersuisuinut ilaasortassamik marlunnik toqqaanissaq.

Aalajangerneq:

Inassutigineqartut akuerineqarput. Siulersuisunut ilaasortanngorput Johannes Mathæussen aamma Jakobine Markussen

Suliaq nr.	15-2018	Tapiliussaq nr.	Soq.	Journal nr.	
Qulequtaq	Qaanaami Najukkami Ataatsimiititaliami qinersinermi inernerisa akuerineqarnerat				

Uteqqineq:

Avannaata Kommuniani Kommunalbestyrelsep siunniussaa malillugu Najukkami Ataatsimiititaliat pilersinneqartiterput.

Avannaata Kommuniani Najukkami Ataatsimiititaliat suleriusaat naapertorlugu najukkami qinersisitsinermi inernerusut nalunaarsorneqarneri Kommunalbestyrelsemit akuerineqareerpata Najukkami Ataatsimiititaliamut qinigaasut inissitersinnaangortussaapput.

Suliap saqqummiunneqarnera:

Qaanaami Najukkami Ataatsimiititaliamut ulloq 11. april 2018 innuttaasut ataatsimiisitsinermi najuuttut qinersinerisigut ilaasortaasussat, kommunalbestyrelsemit ilaasortaasup, Qaanaaq sinnerlugu qinigaasuusup, saniatigut 4-t qinerneqarsimalermata, inernerusut Kommunalbestyrelsemut saqqummiunneqarsinnaalerput.

Qaanaami Najukkami Ataatsimiititaliami ilaasortassanik qinersinermi qinerneqarnerpaallutik ilaasortangortut ukuupput:

, Kommunalbestyrelsemit ilaasortaq, sumiiffimmi qinigaq

Sinniisussatut qinerneqartut ukuupput:

Inatsit tunngavigisag

Kommunit aquneqarnerat pillugu Inatsisartut inatsisaat nr. 29, 17. november 2017-imeersoq.

Kingunissai:

Innuttaasut sumiiffigisaminni namminerminnut tunngasuni oqartussaaqataanerulernerat.

Aningaasatigut kingunissai:

Najukkani Ataatsimiititaliani ilaasortat aammalu aningaasanik aqutassaannik Kommunalbestyrelsep aningaasaliinermigut aalajangersaavigereernikuuaa, taamaattumik allanik aningaasartuuteqartoqarnissaa naatsorsuutigineqarpoq.

Inassuteqaat:

Allattoqarfimmiit Qaanaami Najukkami Ataatsimiititaliamut qinersinermi inernerut nalunaarsorneqarnerit Kommunalbestyrelsemit akuerineqarnissaat inassutigineqarpoq.

Ilangussat:

- Soqanngilaq. Qaanaami
Ilaasortangortut:

Bebianee Petersen
Mathæus U. Johansen
Tukummeq Peary
Marie Peary
Masauna Petersen Kommunalbestyrelsemit ilaasortaq

Sinniisussat:
Putdlaq Duneq
Niels Qujaukitsog
Storm Ôtâq

Aalajangerneq:

Qaanaami qinersineq akuerineqarpoq.

Suliaq nr.	16-2018	Tapiliussaq nr.		Journal nr.	
Qulequtaq	Qaasuitsup Kommuniata naatsorsuutaasa saqqummiunneqarnissaata kinguartinneqarnissaanik qinnuteqaat				

Uteqqiineq:

Qaasuitsup Kommunerisimasaata 2017-imut naatsorsuutaasa inaarsarneqarneranut atatillugu kommunit marluusut sinniisuisa naatsorsuuserisunik peqateqarlutik killiffissieqatigiinnerminni siunniuppaat naatsorsuutit saqqummiunneqarnissaata kinguartinneqarnissaanik qinnuteqaateqassallutik.

Suliap saqqummiunneqarnera:

Qaasuitsup Kommuniata 2017-imut naatsorsuutai piffissaliunneqarsimasut naapertorlugit naammassillugit politikikkut aalajangiiffigineqartussanngorlugit 1. Maj nallertinnagu Aningaasaqarnermut Ataatsimiititaliamut aammalu 1. Juli nallertinnagu Kommunalbestyrelsemut saqqummiunneqarsinnaanngillat.

Taamaattumik kommunit marluusut sinniisuisa isumaqatigiillutik siunniuppaat 2017-imut Qaasuitsup Kommuniata naatsorsuutai sukumiisumik peqqissaarussamillu inaarsarneqarlutik taliterneqarsimallutillu sularineqaaqarnissaat siunertaralugu, Namminersorlutik Oqartussat naatsorsuutiniq tunniussinissamut malittarisassani ulluliussanik qaangiinissamik immikkut ittumik akuerineqarnissamik qinnuteqaateqarfigineqassasut.

Taamatut naatsorsuutit tunniunneqarnissaanik piffissaliussap iluani tunniussinnaannginneq tunngaveqarpoq, uuma pisup immikkuullarissuuneratigut, Qaasuitsup Kommuniata naatsorsuutai annertunerusumik suliassartaqarnerat.

Maanna naatsorsuutigineqalerpoq inaarsaneq taliterinerlu tamakkiisumik aatsaat julimi naammassineqarsinnaassasoq, tamatumalu aamma kingunerisussanngussallugu Avannaata Kommuniani politikikkut naatsorsuutiniq suliqaarnissaa aatsaat septemberimi pissasoq.

Sapaatip akunnerata tulliata naalernerani naatsorsuutigineqarpoq naatsorsuutini kingullit naqiterneqarsimaleripata, qanoq Avannaata Kommunianut Kommuni Qeqertalimmullu aningaasatigut tigorianaartigut inissisimasoqassanersoq.

Inatsisitigut tunngavissat:

Kommunit aqunneqarneranut Inatsit.

Inassuteqaat:

Allattoqarfimmiit inassutigineqarpoq Qaasuitsup Kommuniata 2017-imut naatsorsuutaasa saqqummiunneqarnissaata kinguartinneqarnissaanik Namminersorlutik Oqartussanut qinnuteqaatigineqarnissaa akuerineqassasoq.

Ilanngussat:

Soqanngilaq.

Aningasaqarnermutg Ataatsimiititaliami aalajangiineq:

Inassutigineqartoq akuerineqarpoq.

Aalajagiineq:

Akuerineqarpoq

Suliaq nr.	17-2018	Tapiliussaq nr.	Journal nr.
Qulequtaq	Kommunit tamarmik ataatsimoorullugu peqatigiiffiannit ”Kalaallit Nunaanni meeqqat atuarfiannik kivitsineq”-mit malittarisassat		

Uteqqiineq:

Avannaata Kommuniata tunngaviatigut IPAD pillugu suliniut akuersaarsimavaa aammalu ukiumut missingersuusiortarfiumut 2018-imut aningaasanik immikkoortitsisimalluni. Suliniutip aallarnisarneqarneranut tunngatillugu Kalaallit Nunaanni kommuunit tallimaasunit ilaasortaartumik peqatigiiffimmik pilersitsisoqarpoq. Peqatigiiffik pillugu aalajangersakkanut siunnersuutit kommunalbestyrelse-mut akuersissutigisassanngorlugit saqqummiunneqarput.

Suliamik saqqummiineq:

Peqatigiiffik ilaasortaartarpoq makkunanga Kommuneqarfik Sermersooq, Avannaata Kommunia, Qeqqata Kommunia, Kommune Kujalleq kiisalu Kommune Qeqertalik. Peqatigiiffiup siunertaraa kommuunit ataatsimoorullugu suliniutaannut ”Kalaallit Nunaanni Meeqqat Atuarfiannik kivitsineq” suliniummik piginnittuunissaq kiisalu tamatumunga aningaasaliissussarsiortarnermut akisussaasuunissaq, Kalaallit Nunaanni meeqqat atuarfianni atuartut pitsaanerusunik angusaqartalernissaat kiisalu meeqqat atuarfiannit inuusuttuaqqat naammassillutik anisartut amerlanerusut ilinniartinnut allanut ingerlaqqittarnissaat, pingaarnertut anguniagaqartumik.

Inatsisitigut toqqammavissaq:Kingunerisassai:

Peqatigiiffiup pingaarnertut suliassarissavaa:

- Kommuunit ataatsimoorussamik suliniutaat pillugu suleqatigiinnissamik qulakkeerinninneq
- Suliniut pillugu anguniakkanik kiisalu sinaakkutaasunik aalajangersaaneq
- Suut ingerlanneqarnissaannut kiisalu piffissamik pilersaarusiortarneq pillugit isummersortarnissaq
- Pilersaarut pillugu allattoqarfimmit pingaarutilinnik aalajangiisarnissaq
- Allattoqarfiup sumut killinnermut nalunaarussia pillugit isummersortarnissaq
- Paasissutissanik pisariaqartunik suliniut pillugu allattoqarfimmut paasissutisiisarneq
- Allattoqarfimmut kiisalu aqutsisoqatigiinnut suliniut pillugu suleqataanissamut piareersimaneq
- Suliniutip anguniagaanut iluaqutaasinnaasunik, suliassanik aallartitsisarneq
- Akuersissuteqartassalluni, suliat aningaasaqarnermut kinguneqartussat ingerlanneqarsinnaaqullugit
- Suliassanik pingaarnersiuisarnissaq, tamatumani ilanngullugu suliassanik unititsisarneq
- Suliniutip inerititai ingerlaraasiatalu nalilerorneqarnerannut peqataassalluni
- Suliniutip aningaasaqarnerata naatsersuutaasalu ingerlanneqarnerannut isumaginninneq kiisalu
- Suliniut pillugu ukiut tamaasa ukiuni tulluuttuni pingasuni missingersuusiortarneq ukiullu qaangiuttut pillugu aningaasaqarneq pillugu nalunaarusiortarneq

Aningaasaqarnikkut kingunerisaasai:

Suliniut aningaasalerorneqassaaq tapiissutitigut aningaasaliissussarsiornikkut neriorsuutaasimasunit 50 mio. kr.-iusunik kiisalu ilaatigut kommuunit ukiunut missingersuusiortarfiusussanut 165 mio. kr.-inik akileeqataaneratigut. Naatsersuutigineqarpoq peqatigiiffik fond-ininngaanniik suliniutip piviusunngortinneqarnissaanut aningasanik pissarseqisinnaanerata.

Peqatigiiffiup aningaasartuutai matussuserniarlugit, suliniummut kommuunit aningaasaleeqataassutai ilanngullugit, kommuunit ilaasortasut tamarmik akileeqataassapput, tamannalu ukiut tamaasa ukioq aggersoq pillugu aalajangersarneqartassaaq, siullermillu tamanna pissaaq peqatigiiffiup aallartinneqarnerata kingorna 31. dec.2018 tungaanut.

Suliamik ingerlatsineq:

Pilersaarutigineqarpoq kommuunit iluminni, kommunalbestyrelsepeqatigiit ataatsimut, kommuunitillu aqutsisoqatigiivisa piffissami 29. april – 1. maj 2018 ataatsimiissutigissagaat ilanngullugu peqatigiiffik pilersinneqassasoq ivertitsinerillu ingerlanneqassasut suliniutillu pisortassaani atorfinititsilluni.

Inassuteqaat:

Inassutigineqarpoq, kommunalbestyrelsip peqatigiiffiup aalajangersagaassaatut siunnersuutigineqartut taamatut isikkoqartillugit akuersissutigissagai.

Ilanngussat:

Kommuunit Ataatsimoorussamik peqatigiiffiata ”Kalaallit Nunaanni Meeqqat Atuarfiannik kivitsineq pillugu aalajangersakkat

Aalangiineq:

Akuerineqarpoq

Ilisimatitsissutit:

16.03 2018

Tyskit Ambassadøriannik tikeraaqarneq

Tyskit Ambassadøriat kommunit allaffanut pulaartorineqarpoq ilasseqatigiittoqarlunilu. Tyskit ambassadøriata Ilulissani pissutsit periarfissallu soqutigilluarpai.

24.-26.03.2018

LÉQUIPE-mik ataatsimeeqateqarnerit

Qulaanik firmamik piginnittoq Simon Friese kiisalu illussanik titartaasartoq tusaamasaq Bjarke Ingells ilagalugu Ilulissanut tikeraarput arfininngornermiit sapaat ilanngullugu. Taakku illoqarfimmik eqqumiitsulianik kusassaanissaq siunertaralugu tikeraartigineqarput. Ilulissat inedriartornissaannut pilersaarummik saqaqummiiffigineqarput, taamaalilluni piffissaq ungasinnerusooq isigalugu suut aamma eqqumiitsulianik pilersorneqarsinnaanersut takusinnaalerniassammassuk.

Isumaqatigiissutigineqarpoq ingerlatassaq siulersuisooqassasoq aammalu suleqatigiissitaqassalluni. Ingerlatassap sinaakkutissai tamarmik siunnersuutitut saqqummiunneqassapput maaji naaledrnerani suliasallu nalunaarusiorneqarnera aggustip naalernerani naammassineqassalluni. Taamatut nalunaarusiap naammassineqarneranut atatillugu innuttaasunik ataatsimiititsinissaq pilersaarutavaoq. Juullip kingorna suliasat pillugit isumasioqatigiisitsisoqassooq.

03.04.2018

Akiliisitsiniartartut ingerlatsisuinik ataatsimeeqateqarneq

Januaarimi politikkikkut ataqatigiissaarisut ataatsimeeqatigiinneranni akiliisitsiniartarnerup siunissami pitsaanerusumik ingerlanneqalernissaa naalakkersuisunut saqqummiunneqarpoq. Tamatuma kingunerisaanik akiliisitsiniartartut apriliimi Ilulissianissaat iluatsilluigu ataatsimeeqatiserineqarput.

Taakku erseqqissaatigaat inunnik isumaginnermik ikiorsiinermi nalinginnaasumik utertitsisoqarsinnaanera piunasaqaataasinnaangitsoq.

Taakku saniatigut sammeneqarput akiligassat amerlialuttuinnarnerat siunissami qanoq killilerneqarsinnaanersoq.

Taakkuli imatut nalinginnaasumik kommunemut isumaqatigiissuteqarsinnaaneq mianersuuppat.

Ullumikkut Ilulissani akiliisitsiniartartunik sisamanik sulisoqarpoq. Taakku siunissami aqqissuusaaumik suleqatigineqarsinnaanerat ammaffigalugu oqaatigivaat.

09.04.2018

Nordisk Fond for Miljø og Udviklingimik ataatsimeeqateqarneq

Ilulissani piujuaannartitsinissaq pillugu isumasioqatigiinnut peqataajartortut ilaat ataasinngornermi apriliip qulaaluaani ataatsimeeqatigineqarput. Taakku saqqummiussaataq tassapput Qaasuitsup Kommuniannik suleqateqarneq 2009-mi aallartissimasooq piniartut aalisartullu pisatik pillugit nalunaarsuisarnerat Avannaata Kommunianni ingerlatiit narneqarnissaat kissaatigineqarmat.

Qaasuitsup Kommunianni Aasianni inuussutissarsiutinut siunnersorti Paaviaaraq aqqissuisuusimavoq ataqatigiissaarisuullunilu. Piniartut aalisartullu Ilulissaniit, Qaarsuniit, Kangersuatsiamiit Qaanaamiillu aallaqqaammulli nalunaarsuisarsimapput. Taakku nalunaarsugaat ilisimatut peqassutsimut naliliisarnerminni aamma atortaraat saqqummiussisut erseqqissaatigaat. Taamaattumik taakku iluatinnartippaat PISUNAp taamatut ingerlatsinera aamma siunissami Avannaata Kommuniata ingerlatinnarsinnaassagaa.

09.04.2018

Tele Greenlandip pisortaanik ataatsimeeqateqarneq

Tele Greenlandip pisortaanera Kristian Reinert Davidsen, pisisartunut pisortaa ingerlatsinermullu pisortaa Tele

Greenlandip piffissami tulliuuttumi pilersaarutaat nedqeroorutaallu pillugit ataatsimeeqatigineqarput. Aasaq manna kingusisxsukkut attavik sukkanerusoq Upernavimmut apuutissooq, aammattaaq nunaqarfinnut aqqudit pitsaanerusut ukioq manna angumeriniarneqarput, kisiannili ilumut tamanna ukioq manna piviusunngussanersoq oqaatigineqarsinnaangilaq. Avannamut Satellitikkut atukkat ilaat attaveeruppata Avannersuarmut attaveqarniarneq pitsaanerulissaaq. Tassa Tunumut Avannersuarmullu satellit atorlugu taamaallaat attaveqartoqaannassooq. 4G mobilikkut attveqaat ukioq manna tamanut atuutilissaaq. Aammattaaq misissorneqassooq Qeqertarsuup Tunuani pitsaanerusement mobilikkut attaveqalersinnaaneq. Ullut 14-nit missaat qaangiuppata Tele Greenland Avannaata Kommunianut internetikkut attaveqarnermut neqeroorteqassooq flatrate modelimut assingusumik. Akiligassat takujuminarsarneqassapput ajunnginnerulersinneqarlutillu.

10.04.2018

Nordisk Investeringsbankimik ataatsimeeqateqarneq**Nordisk Investeringsbankimik ataatsimeeqateqarneq**

Iluliani isumasioqatigiittunut peqataajartortut ilaat Nordisk Investeringsbankimeersoq marlungornermi ataatsimeeqatigineqarpoq. Ataatsimiinnermi saqqummiunneqarpoq Ilulissat illoqarfittut ineriartortinneqarnissaanut pilersaarut. Pilersaarutip taassuma saqqummiunneqarneranut atatillugu Nordisk Inbesteringsbankimit periarfissaasinnaasut saqqummiunneqarput, siunissamilu tassangaanniit aningaasalersuisinnaanermut periarfissat suuneri ilisimatitsissutigineqarlutik. Isumaqatigiissutigineqarpoq ataatsimiinneq una siullermeernerusoq, tullianillu ataatsimiinnissaq majimi Københavnimi ingerlanneqartussa qaaissutissanik periarfissanillu amerlanerusunik aqquutissiuussinissamut atorneqarumaartoq.

10.04.2018

Umiarsuavileqarneq pillugu innuttaasunik ataatsimiisitsineq

Innuttaasunik soqutigineqarluartumik umiarsuavileqarneq pillugu innuttaasunik ataatsimiititsisoqarpoq. Ataatsimiinnermi saqqummiunneqarput umiarsualiviup oqartussaaffigineqarnera Namminersornerullutik Oqartussanit kommunimillu qanoq agguataarneqarsimanersoq kiisalu ullumikkut namminersortunit sorliit oqartussaaffigineqarnersut. Umitsaliviit eqqarsaatigalugit kommunip saqqummiuppaa aasru puttasut qanoq aaqqissuunneqarnissaanut pilersaarut. Puttasut ullumikkut 250-inut inissaqartitsippat aasarumiillu 450-inut inissaqartitsilissallutik. Namminersorlutik Oqartussaniit saqqummiunneqarput umiarsualiviup siunissami massakkumiit qanoq killilersorneqalernissa, ilaatigut takornarissanut misissuisarnerit ingerlanneqalertussaallutik kiisalu umiarsualivimmut siunissami imaaliinnarluni appakaattoqarsinnaajunnaassasoq biilit eqqarsaatigalugit. Siunissami umiarsualivik assersuutinik ungalulerneqartalissooq. Pineqartut saniatigut takornarissanut niooravissat nutaat marluk pilersinneqarnissaat saqqummiunneqarput. Ajornartorsiuutinut Diskolinemiit oqariartuutigineqarpoq Najaaraq ullumikkut taliffissaaleqisarnera, ilaasunik niooraatitsineri issoraatitsinermilu. Ajornartorsiuutip tamatuma siunissami qanoq aaqqeriarsinnaanissaa umiarsualivimmi ataatsimiititalissap suliassaanut ilanngutsinneqarpoq.

11.04.2018

Dundas Titaniumimik ataatsimeeqateqarneq

Ataatsimeeqatigiinnermi Dundas Titaniumip killiffitsik pillugu ilisimatitsippat. Taakku ilisimatitsissutigaa aasaru misiliilluni piiaanissamut 10.000-20.000 tonsit piarsinnaanissaat Namminersorlutik Oqartussanut qinnutigineqarsimasut. Aasaq manna maskiinat piianermut atortussat ilaat taavunnaanneqassapput. Iisimatitsippat juulip aallaqqaataani taavunga pissallutik umiarsuup pajuttussap ullut 14-it missaat qaangiunnerani tikinnissaanut piareersariartorlutik. Naatsorsuutigaa piiaalivinnissaq ukiut pingasut qaangiuppata aallartinneqarsinnaassasoq, taamaalineranilu sulisussat 175 missaat pisariaqartinneqassasut. Sulisussat amerlanersaat immikkut ilisimasaligusaaammata naatsorsuutigineqarpoq nunaqavissut 35-40 missaat sulisorineqassasut. Dundas Titaniumip soqutigivaar nunaqarfusimasumi kommunip illuutaasa pisimarinissaat.

12. 04.2018

Iilissat Multiarenamik ataatsimeeqateqarneq

Iilissani Multiarenamik pilersitsiniaqatigiit ataatsimeeqatigineqarput.

Ataatsimiinnermi tassani kommunep kissaataa sazqummiunneqarpoq tassaasoq Multiarenamut suleqatigiit siulersuisuini ilaasortaataqalersinnaaneq, taamaaliornikkut aningaasaateqarfinnut qinnuteqaatigineqartartut ajornanginnerusumik angusaqarfigineqarsinnaanerata anguniarneqarluni.

Kommunip siulersuisunut ilaasortaataqalernissaata saniatigut Namminersornerullutik Oqartussat aamma suleqatigiinni siulersuisunut ilaasortaataqqarsinaanerata kissaatitut oqaatigineqarpoq.

Kissaatigisat pineqartut siulittaasumit aningaaserusumillu isumaqatigineqarput. Isumaqatigiittoqarpoq kommunip Namminersorlutillu Oqartussat siulersuisunut ilaasortassaata pillugit qinersineq naammassisimalerpat uterfigineqaruartut.

Ataatsimiinneq naavoq**Atsiornerit:**

Palle Jerimiassen, Siulittaasoq (S)

Ane Lone Bagger (S)

Sakio Fleischer (S)

Ane Marie M. Andersen (S)

Jens Imanuelson, (S)

Apollo Mathiassen (S)

Jakob Petersen (S)

Jørgen Kristensen (S)

Masauna Holm Petersen (S)

Aqqalu Clasen Jerimiassen (A)

Karl Markussen (A)

Pualuna Kivioq (A)

Anthon Frederiksen (PN)

Ole Danielsen (PN)

Bendt B. Kristiansen (IA)

Regine N. Bidstrup (IA)

Lena Ravn Davidsen (D)
